

靈寶領教濟度金書卷之一百七十八

垂九

靈寶領教濟度金書卷之一百七十八 垂九

洞微高士開光救苦真人竈金真授

靈寶通玄弘教水南先生林靈真編

科儀立成品

預修黃
錄齋用

傳戒儀

華夏贊引出戒座前

唱座

空浮獅座赤明初 玉局開祥萬變居

今日靈虛慚接武 宗乘奕奕耀堪輿

金闕化身天尊

升座

學仙讚

此香自本自根非雕非琢芳凝太極開鼻觀
之清氛韻徹先天洞心源之妙化藝向爐中
遙伸供養

無上至真道寶上祝

垂九

皇帝陛下伏願化周坤軸德契乾儀諸夏
仁普同穎雙岐之瑞四夷慕義統異俗重譯
之祥禽魚飛躍於至和動植蕃鮮於大治

初捻上香

此香微妙天鍾希夷地結根盤西閩接騫翠

之清陰幹覆東諸挹黍珠之芳潤藝向爐中
遙瞻供養

無上至真經寶奉祝

內輔外僚公卿守宰伏願彬彬佐運濟濟依
光位棘面槐事上忠輸於佐翊種花剖竹愛
民仁浹於撫綏青春之麥隴翻鋤白日之榆
陸靜析

二捻上香

此香蓬岱毓資方嶠孕質雲飛金鼎通五億
以網緼風襲瓊彝亘三千而縹緲藝向爐中

遙瞻供養

無上至真師寶奉祝

預修弟子某伏願三壽帝錫五福天來步武
高華落惡根於北部精神悅茂證善藥於南
昌歲寒秉松栢之貞月旦藹粉榆之譽

垂九

三捻上香

重藝名香普伸供養

三寶上帝十極高真四界九霄諸天至聖日

月星宿北斗南辰省府院司三官四聖靈虛
執職經籍度師地水真靈洞天福地承符宣

德無量仙靈恭願綠輦丹輿瓊輪羽蓋翼轅
驂乘飛空步虛俯降玄壇證明傳戒

平坐讚

雲行碧落織鳥飛坐閱山中一局棋梓澤平
泉春易老何如超悟了真機共惟預修弟子

某紈綺家聲膏梁氣味籤香架溢詩書之厚
澤綿綿笏潤床盈文獻之芳猷燦燦絕歆羨
於龍鱗鳳翼付等閑於蝸角蠅頭觀世運之
輪翻慨時光之梭擲傍花隨柳風月無邊問
菊撫松煙霞有趣蓋翩翩濁世中佳公子也

而又仰止清微皈依紫極念夢幻泡影須臾
之法思地水火風假合之身袞袞生前中流
之壺孰付茫茫身後暗室之燭未聞爰啓玄
壇肆翻丹笈按預修而建設砥柱方來導受
度以修崇津梁見在有徹土雨先之喜無索

垂九

三

表寒後之憂所冀北鬱刊名南昌寄籍亦可
謂悟為善最樂之希夷徹與道合真之玄妙
者矣人生天地間如白駒過隙雖位尊九鼎
祿享萬鍾利澤施於時名聲昭於世威靈氣
燄動搖山嶽終猶邯鄲一枕槐安一柯彈指

百年驚心九夜前程事暗如漆孰操彼岸之
舟是以智人達士莫不留神勇退見性知幾
如扁舟五湖棄人間事從赤松子遊至今仙
籍浮香運劫齡而未已者豈非生也聞道事
安期生遇圮上老人後密有所授而然耶今
預修弟子某生身受度惟道是依意亦有見
於此矣在昔元始至尊因北帝啓問玉音演
宣謂濁世元元生存之日能受持九真妙戒
皈依金籙白簡當消九幽大罪標名金格列
字玉清緣運不絕飛行太空得爲九宮真人

事具尊經不可誣也世人保真者少迷惑者
多終日營營酬酢萬變蛾燈蟻磨構成黑業
五賊六鑿紛錯於五官六府間陰有神靈登
紀簿錄他生拯焚救溺將何爲津梁哉故宜
生存之身受符戒之度如

靈寶上品所謂生身受度劫劫長存此大道
慈悲濟度之本心天尊委曲護持之願力也
今日肇事慶成玄壇孔備九朝禮磬六轉經
周玉璧金龍告成三元憲府合遵經旨傳戒
授符以爲皈依授持之信

夫戒者所以檢情復性離妄成真也戒則誠
不戒則慢戒則逸不戒則危戒則富貴康寧
不戒則凶折惡弱戒則神靈敬護不戒則魔
妖侵凌戒則見存福慶身後隆昌不戒則行
藏顛覆途苦跋躓

垂九

譬諸履迷途者以戒為燈涉天川者以戒為
筏拯沉痾者以戒為藥濟炎亢者以戒為霖
戒之不可須臾離也若此今對千真萬聖之
前夷心默念依科宣演先皈命於三寶次傳
授於九真然後密付二符臻誠佩奉必得今

生福慶他世尊榮法衆運誠人各恭信

按人各恭信

智慧頌

預修弟子第一皈依無上道寶

夫道寶者彌綸三極範圍八圓大無不包細

無不入提挈天地把握陰陽稽首皈依生生

信禮

稽首皈依道

大羅元始尊

窈冥開祖劫

混沌立天根

願垂玄妙法

提拯預修人

和一心宜諦受

預修弟子第二皈依無上經寶

夫經寶者玉音敷暢金口宏宣萬八千篇三十六部辭該真實義貫虛玄稽首皈依生生

信禮

稽首皈依經

仙真演妙言

撚金成鳳篆

聖九

五

揉玉寫龍文

願開秘密藏

解悟預修人

和一心宜諦受

預修弟子第三皈依無上師寶

夫師寶者天人模範今古梯階丕闡九清宏

該三洞流芳後覺濟度前修稽首皈依生生

信禮

稽首皈依師

慈悲轉法輪

先天留大教

歷劫度迷津

願留清靜訓

接引預修人

和一心宜諦受

三寶既已皈依九戒今當傳授

預修弟子第一戒者敬讓孝養父母是名初

真戒受持之後獲端正長壽果

稽首初真戒

孝為百行先

晨昏勤定省

甘旨奉尊親

受持無退轉

永保道心堅

和生生常信奉

預修弟子第二戒者克勤忠於君主是名念
真戒受持之後獲聰明智慧果

稽首念真戒

精忠貫上天

立朝端正操

泣事秉廉勤

受持無退轉

永表道心堅

和生生常信奉

預修弟子第三戒者不殺慈救衆生是名持
真戒受持之後獲富貴豪盛果

稽首持真戒

常懷一視仁

待人推惻隱

人我共無嗔

受持無退轉

永表道心堅

和生生常信奉

預修弟子第四戒者不淫正身處物是名守
真戒受持之後獲吉慶安樂果

稽首守真戒

端嚴正立身

行藏無點污

濫慢瀆無倫

受持無退轉

永保道心堅

和生生常信奉

垂九

預修弟子第五戒者不盜推義損己是名保

真戒受持之後獲清靜善勝果

稽首保真戒

廉隅勸潔純

無求天隲相

貪得鬼殃侵

受持無退轉

永表道心堅

和生生常信奉

預修弟子第六戒者不嗔不得兇怒凌人是

名修真戒受持之後獲祿位清顯果

稽首修真戒

曾涵萬象春

消除忘忿怒

和合等冤親

受持無退轉

永表道心堅

和生生常信奉

預修弟子第七戒者不詐不得諂賊害善是

名成真戒受持之後獲具足十相果

稽首成真戒

休隨巧詐群

偏阿多曲徑

邪毒損仁賢

受持無退轉

永表道心堅

和生生常信奉

預修弟子第八戒者不驕不得傲忽至真是
名得真戒受持之後獲大道正法果
稽首得真戒 驕凌遠近聞 輕狂除恃已
忽慢勿欺真 受持無退轉 永表道心堅
和生生常信奉

垂九

七

預修弟子第九戒者不二奉戒專一是名登
真戒受持之後獲證大法王果
稽首登真戒 精專秉至誠 清齋修玉律
奉戒寶金文 受持無退轉 永表道心堅
和生生常信奉

九戒宣傳一心諦受由茲以往行住坐卧不
離戒律出入起居勿離戒法自然等罪往於
虛玄付轉輪於空洞今生受福異日蒙禧非
虛諭也更有元始金錄白簡救苦真符長生
靈符今當依準真勅對聖傳付自然消愆累
朔受化朱陵請運丹誠勤奉信佩

宣救苦簡

宣長生簡

救苦白簡一名東華青宮救苦九龍金錄所
以救今生之罪苦俾地司無逼合也長生白
簡一名南昌紫微流金鍊真之錄所以導他

生之徑路俾天堂有超凌也今既依科給付
如律宣行謹請察命童子護戒威神五帝直
符六宮掾吏不忘元始慈訓隨戒隨簡覆護
衛嚴辟斥魔靈保成戒行迎祥衍慶劫劫毋
忘

奉戒頌

預修弟子其身蔭道鄉心游玄境慮根塵之
結習故嚴佩符受戒之威儀閱世諦之浮休
故遵隨劫齊年之法度所謂生身受度預修
黃錄玄科妙檢燦然琅函玉笈間莫不佩奉

修持固有踰越將見愆隨懺滅福逐祈生他
日南宮受書返形天上人間逍遙自在豈不
樂哉以今傳戒事畢度簡功圓向來邀請萬
聖千真駐景虛無翠葆翩翩諒旋紫漢霓旌
雜還將返丹青不勝慕戀之私第劇皈依之

聖九

切大衆且道傳戒授符後還作麼生

虛靈圓妙去來同 無欠無餘萬古融

風靜雲藏涵定水 一輪桂魄朗秋空

向來

靈寶領教濟度金書卷之一百七十八



共按

